

思伯子堂詩集

屈伯子堂詩集卷十三

建甯張際亮亭甫

十二日舟中感懷得詩五首次日成三首

庚寅

一春兩度悵扁舟此水今仍獨泝游
歲暮無人同對酒天涯何處更登樓
烏鴉繞樹飛三匝鴻鵠摩空覽九州
住本非宜行不易茫茫前路似江流

東流日夕自滔滔肯爲行人鑑鬢毛
王霸兒單門戶薄長卿客久道塗勞
青山如夢涼煙暝紅樹生寒返照高
今夜未知何處泊但看猶鳥點長濤

波濤無際暝天遙一碧嵐光黯未消
水驛葭蘆霜渺渺

沙村橘柚月蕭蕭竹崎關小疏寒柝桐口谿荒斷暮潮
向晚維舟空悵望漫勞吹鬢北風驕

回首三山向海門寒城燈火又黃昏故人應憶連宵醉
此去眞銷遠別魂長路七千窺北塞雄州十六帶中原
他時痛飲咸陽市繫馬誰同話報恩

聞道匈奴復犯邊漢家諸將備居延陳湯破虜眞多事
楊僕提兵又暮年銅柱何時煩再鑄珠崖今日漫全捐
大廷誰議師充國絕塞終當墾鹵田

天山誰築受降城大漠蕭條萬馬行淮上王孫猶乞食
安西都護正堅營但看關月隨弓影不盡邊風動角聲

昨夜江頭占太白問君何處請長纓

霧露淒淒夾浦濱
簑蓬蓋夢曉涼新
不愁月落餘孤客
卻爲天寒憶美人
翠羽洛川悲子建
青楓江水望靈均
十年誰契風懷好
飄泊關河涕淚頻

迴瀾觸石挾風狂
世路艱危似此長
絳灌豈能知賈傅
鄒枚真悔從梁王
昭昭白日馳何疾
鬱鬱青雲夢不忘
漫唱當年漁父曲
蘆中窮士總霑裳

高瀨

十四日過水
口至此泊舟

我行三日餘始泊國關外
從此沂迴谿崢嶸錯灘瀨
萬山何盤盤遠望若雲蓋
落日朝風生草木森旌旆
羣舟

前後進絳纜紫如帶篙師併死力潛蛟不敢害旁掀駭
浪高背轉蒼石大舵尾擊沙礫其聲或琅璚習坎行乃
亭履困心以泰紆徐泊澄灣際夜樂斯最團團天上月
初出映山靄星芒動林杪水氣炫珠貝清寒滿虛空巖
谷淒成籟百里曠無人蕭條合煙蘊終宵憶故權雙鯉
不可贈

黃田驛

十五曉
發至此

冬山氣自蒼寒水波更淥霏霏霧露零篷背如新沐晨
光正空濛高下炫林麓風淒烏羽噪澤堅鱗介伏稍見
日熹微轉訝灘迴復嗟峨萬石閒我行慘心目可憐操

舟子曉起紛紛赤足負纜越巉巖涉瀨沒腰腹貧賤性命
輕遲莫冰霜酷嗟彼豪家兒此時鼾睡熟豈知覓食艱
力役苦窮蹙有生信難齊天道往必復側聞古賢訓晏
安乃酖毒吾茲邁多屯未敢自引辱處困思濟人彷徨
感幽獨溪長越沙渚煙遠望茅屋心知黃田驛已在荒
碕曲扣舷發浩歌村厂雲相逐

秤鉤灘

礧礧荒谿石錯立始何年登艦眺百里勢若萬馬旋茲
灘益陡絕怪醜相鉤連磬确徧水次崢嶸當人前篙師
一失措性命須臾閒自我屢過茲利涉忘其艱地險豈

有異戒愼固不愆飛蓬振落日曠野紛長煙蕭蕭波上
風蒼蒼沙際天行矣勛往路懷哉凜垓山

三都口

十五夜
對月

團圞水中月歲晚餘幾度素娥攬明鏡徘徊忍相顧江
離悴繁霜皐蘭被涼露折芳欲遺誰碧漢不可渡朔風
中夜至悵望瓊樓路未知青桂林何似白榆樹人間怨
飄零天上傷遲暮千秋一寸心耿耿將安付谿寒翠羽
孤鳴啾語如訴夢回涕洟瀾併與水東注方殷平子愁
莫誦謝家賦玉斧儻作煙太息吳剛誤

尤谿口

十六
夜泊

不見尤谿縣獨泊尤谿口奔流怒澎湃亂石爭怪醜蒼
蒼眾山厓鬱鬱老林藪淒淒鸛鵲噪冉冉颺颺走居人
四五家負崦列甕牖稍聞寒犬嗥月出一峰後清輝映
沙瀨流影低昂久霜露慘又零衣裘苦不厚推篷欲就
枕水底見星斗平生志慷慨數奇竟莫偶歲晏何栖皇
乾坤此回首飄飄寄孤棹食息亦已苟終宵足悲咤任
運庶无咎

折噴灘

在尤谿口上十里間之舟人得其名如此二字之聲亦不知系此二字否第其水曲

折其石噴噴余甚愛之則以二字名此灘即自余始可也庚寅十一月十七日蚤記

斜月耿在空長篙紛擊水披衣看曉色泱泱灘聲起噴

屹萬石來蜿蜒勢不已激浪根虛空狀雲態奇詭巖穴
上谿訝沙磔下迤邐千年鍾乳青棄置今餘幾我昔愛
遠遊山川窮南紀如何徑十度余自丙子至己丑由上
其由福州以舟沂
上洋則此一度耳未覺茲可喜天道善翕藏人情忽近
邇吁嗟耳目閒往往多遺美他時誰歎息飄零吾愛此

白沙驛

蒼蒼白沙岸蕭蕭紅樹林碧波去不息望遠愁我心方
憐朔雁影復悵寒猿吟歲月日遲暮懷抱空古今當筵
歎禰衡草檄嗟陳琳世晚文學賤念此猶知音北山誚
莫誤西方思轉深諒當息征駕豈謂輕華簪

豐臺春

茶洋灘有一石園徑尋丈色澹紅重跗疊萼狀
類芍藥因名之曰豐臺春蓋此花惟京師豐臺
最盛余數年在京師皆以花時往莫州不及一
觀今名此石識其奇亦傷余行道之屢也

造化無恆春悅目隨所遇盈盈一水間卽是豐臺路清
谿妙返照佳石燦然布天涯有瓊華歲晚何人顧未須
怨將離乍可慰遲莫南荒闕神秀靈物嗟無數俯仰更
千載孰與余同慕漫殷行李感且償看花趣他年吾再
來摩挲比嘉樹

鬼跳灘

遙望鬼跳灘下接茶洋驛浩浩颯聞風蒼蒼遠見石石
扼水怒號天晴雷轟剗嶙峋通一罅巖峭懸百尺浪花
蓋船頭舵尾擊沙春十夫負纜呼纏背乃及腋匍匐進
以手踵趾錯其迹鄰舟亦走助厲涉袒而赤橫篙互推
挽大波觸湍濤我時不得語頻視日將夕四顧何茫然
坐恐隨鬼伯須臾泊迴渚此身嘆幸獲卻佗鄰舟來閃
如螳緣隙

葫蘆灘

十七
夜泊

葫蘆山

灘上
村名

下灘灘平水亦靜嬋娟臨水峰自照蛾眉

影沈沈白日夕悄悄朔風冷天寒覺客孤歲晏憐夜永
故園在何處回首同蓬梗豈不怨飄零此意復誰省富
貴治田宅貧賤困鄉井世久無英雄吾奚慕箕顓

蚺蛇灘

萬山盤蒼溪重灘若列帳怪石何厓屨怒濤此悲壯勢
參呂梁阻險與瞿塘抗直凌百步洪奚侈七坎宕朔風
正颯沓暮天杳清曠蕭蕭落日中冉冉迴波上川長鴉
獨去野闊鷹羣掠蒼茫見延津慘澹到秋濠
荒洲誰能鑿疊嶂憑眺極崢嶸浩歌起惆悵

八扇道

十八夜泊

我經蜉蝣蛇灘已厭風波惡暮宿八扇道北風苦迴薄刀
調偏草木鏗磬滿巖壑氣挾眾響高聲驅羣動落霜月
互黯慘雲水浩暝漠身如北嚮雁怨逐南飛鵲富貴三
窟兔今古一邱貉馬卿久倦游酈生益落魄嗟哉破浪
心萬里將安託

延平

七閩非霸國形勢無重險茲城鎮上游往來扼舸艦背
負山屢屨面絕波黯黯縱橫錯灘瀨層疊架崖广三峽
峯蔽巫二水江匯潁建甯邵武二郡諸水至此合流百越獠搖滋延平山中
有野人自爲風俗世謂之蛇客又曰五谿霧露滄自從
狗頭王種余昔於括蒼山中亦見之

五季還獨當一面敢惜哉少曠土兵交食則歉衰斜苦

餉運陰平懼襲掩

郡城後一嶺通上洋口一日焚棧豈可至世謂之三千八百坎嶺

斷秦濟河已窺陝所以陳平章師燔不復談父老哀往

事但指荒墳慘

郡城對岸山傳爲陳友定葬父處明兵破友定發之我來獨有懷

長風正颺颭率無青若髮亂石黑如壓沙痕坼岸紛日

氣摩雲閃莫吊銅延平

諺云銅延平鐵邵武言其城之堅險撫劒增悲感

髮竹塘

十九夜泊

迢迢去西芹

村名在延平城西二十里

蒼蒼入髮竹髮竹夾青山數

家飲江綠歸牛逐樵返獨鳥背人浴沙喧夕渡散岸黯

羣舟宿我時正飯罷偶影澄潭曲蕭條何處風疏星動

雲木

沙谿口

沙縣固多盜，繫昔聞茂七。至今恣標掠，劫人以爲質。公然肆殘殺，官吏不敢詰。行旅過此溪，白日常凜栗。谿上山巖從溪口，木蕭瑟溪水一。何清澄碧流，璵璠崩騰城。門瀧合流益，漂疾我舟泝。瀧行回望波，宓汨細雨晞。煙火霜紅見，柑橘峯迴遠。影雜岸靜孤，飛出如何風。土佳彼民乃，弗率太息思。文翁尙使化，耕鉏

城門瀧

亂山夾長濤，絕壁嵌妥帖。一片蓋空青天光，黯相合。巖

崑崖百尺間
柯石千摺秀
色閤煙華
寒光轉風葉
中流望孤鳥
欲墮如可接
蒼蒼澗谷中
時聞響蕭蕭
身隨逝波往
日與靈境涉
十洲何處歸
吾行茲已愜

王浦

夜泊

荒溪晚多風
飄蕭如欲雨
夜中氣濛濛
蚯蚓沙上語
稍聞聲灑灑
漸漸覺勢飛
舞幽夢墮蒼
茫故山渺何
許詰朝對雲
峯一半寒光
聚空青卷遠
煙虛白冒平
楚黝黑石萬
千老紅柿三
五啞啞水禽
啼人家在南
浦卻憶舊柴
門亦復臨澗
澣慈母望我
歸旦暮幾延
伫此時正晨
炊薪米誰餽
與前日兒書
來頗言妻愁
苦我豈願作
客艱

難天所處愁多不檢束壽命苟延取蒹葭感伊人蒼蔚
傷季女歲晚欲奚適悵然攬宿莽

將軍灘

險絕將軍灘怪石紛錯峙礧礧氣不平猙獰勢相倚崩
波劃三折遠望不見水我從下流來一舟在石底十夫
攀峭壁負纜進以咫尺見崖廣閒談笑倚門子可憐安
危機頃刻判彼此嗟爾馬少游平生愛鄉里

燕子巖

吁嗟此灘石造化閎奇險怪醜難爲名神秀不可掩豈
慙龍門關何數雁宕坎屈注字通巴奔峭江懸巔新安

清見底武夷曲流賺哆呀沙根齧破碎水骨密溜汨蛟
螭愁窸窣蠶蠶撼硤硤駭驚臥噴呬狀魚噉採寶掇珉
硃去齒躡崖广側睇穴閣閉俯弄波黠駢百夫走踉蹌
一舟行閃閃長竿曳蜿蜒空谷應呼喊倒流若退鷁爭
進如狂獫崩騰濁浪悲蕭瑟白日澹左右映椒樾高下
帶蘆茨沙禽紛去來朔颼助摩颼我肯屢溯游及茲始
悲感順逆境有殊登眺理無憾余昔嘗十度過此皆以
逆瀉而行灘杜陵晚愛蜀謝公嘯過剡風濤何足驚山
之奇始盡

川庶堪覽

下七里

廿一夜泊

恩伯子堂詩集

卷十三

九

蒼山何迴盤下有太古石風林響霜葉蕭蕭無人跡天
長夜水流月暗寒沙白惆悵聞疏鐘破曉催行客

倒爬孔

舟與水爭灘灘與石爭地灘勒水曲折石據灘峭厲孤
舟進無援左右皆失勢盤旋波浪中仰同飛鳥墜悲風
起蕭瑟悵愴感萬事咄哉我行遲夷險自天意

鷓鴣口

蕭條鷓鴣口水石亦清曠孤村荒曉閒返照寒林上沙
禽去不忌雲峯竊相向何處望故山扁舟此惆悵

龍鳳灘

一水坼兩灘估客譚龍鳳何緣說蛙跳左右各瀕洞

在灘

上洋口下十里左曰蛙跳右曰龍鳳余意二灘共一水分左右故曰龍鳳蛙跳俗韻耳勢非穀洛

鬪聲豈鄒魯闢其石互地脊破碎陷波空舟行偶不戒倉卒有餘恫正如忤纖柔乘隙乃相中至人謹忽微君子善容眾履霜道自貞臨淵意誰訟不見行路難百丈紛錯綜中流幸出險落日天如夢

上洋口

二十夜

五百里積水三百里奇石

洪山橋至水口二百里水口至上洋三百里自水口以上

皆灘

從此沂上流山川可如昔

壬午夏乙酉春皆自光澤放舟至上洋抵福州

陸行至光澤甲申冬自福州陸行至邵武

故人秉炬火夜迎歸旅宅

李君仁惜余君

思伯子堂詩集

卷十三

十

相送涉江頭朔風滿巾幘君但看滄波知我遠遊迹

螺獅灘

屈注爲螺旋蹲峙若獅伏水石怪如此蒼山夾迴復蕭
條見煙火東瞻隱茅屋枯蘆蓋崩岸長蘿蟠癭木忽忽
孤鷺飛有鶴沙際伏滄波浩漭漭舟行出渦曲回首北
風高天寒落日獨故人在何處未應滯輪轂燕市共悲
歌雲霄兩鴻鵠

順昌

二十三
夜泊

順昌溪上水有我門前流白我去家室在苒春更秋水
來運將樂下注滄海頭

百丈之嶺有源焉下注十五里而爲余家渠村又下注四十里

爲邑之灘溪匯諸水迤邐至梅口匯泰甯諸水至將樂
又匯將樂諸水至順昌與光澤邵武諸水合流下注閩
江入我行沂邵武南北心悠悠今朝與水別一宿還滄
於海留富貴鄰舍喜貧賤妻孥憂終宵悵雨聲打篷何颺颺

雄雞嶺

一石聳而來一石儼而待兩石若鬪雞急流下奔匯凡
此蓋多有都邑之所在是爲地關鍵奚侈山巋嵬我習
形家言勢取平原倍維閩苦與阻博厚常不逮鍾其奇
峻氣於人亦千載俯仰三不朽百年幾庶殆風塵促華
鬢歲月流滄海浩歌對雲峰誰能問眞宰

大竿塘

二十四
夜泊

暝色斂松洲寒聲動葭渚落日暗長川飛鳥去何許市
樓燈火夕水上聞人語悵然掩孤篷隔溪有風雨

黃溪步

二十六

昨宿伯子灘曉入黃溪步青嶂窈合杳白雲莽迴互高
厓黯茅茨喬柯明淞沍蕭蕭望飛瀑傾澗懷煙霧天寒
四無人下有樵采路空山已冰雪遠道猶朝暮鄉心獨
雁往風色羣鴉度扁舟浩悽愴梅華那能賦

墨溪

二十六

沙口

村名

多磊石墨溪惟澄潭潭水半黝黑重疊包厓巖

野人負山居面色何青藍有酒問客沽額髮垂多白

日墮屋角燈火明茅檐獨犬竟夕號風利鳴戈鏃我舟
制何如箬篷蓋兩三前後各空洞無壁相維參夜中寒
氣至霧露侵牀幃長衾擁過枕縮首爲魚潛舟子睡夢
中似聞語喃喃向曉各堅臥鼾聲隨風酣稍稍聽浙米
薪溼爇而燔竈煙水霧合熏蒸吾豈堪披衣起四望舵
尾如鴉銜積霜皓凜厲凍淞凝松杉是時飯正熟飽啖
日已遲雨逢退依一若駕離其驂罄泝灘瀨長篙以
摩藍前行未可卜但恐蛟螭饒嗟我困羈旅十載窮北
南炎歊觸埃壙冰雪飄飄險阻已備嘗及此意轉恬
頗憐我僕瘁手皸足痠長朝泊硯匣憔悴情乃甘談

笑看沙鷺雲峯指蒼巉辛苦汝不怨逸處吾奚貪

馬耳灘

廿七
戲作

四日順昌來灘多石不夥林莽旣蕭條沙礫徒碎瑣正
如對俗客沓拖不可奈今朝泝此灘復喜得礪硤縱橫
一二里高低百千箇磊磊天地閒兀兀風波下歷落故
向人倔强迺類我聯絡兩岸山蔽虧十丈舸解牛悟進
淵掉蛟比振舵崢嶸犯其銳洶湧鬪之過靜觀萬象得
旣濟三老賀是時日正高眾峯青黛破一峯秀蛾眉重
疊濃雲裏想見繡被堆玉顏慵鬢彈清寒發高興出險
笑口哆浪游更何時作詩記之可

邵武

三十日作

去此及六年重泊東橋曲冬寒天日淒曉見鳥飛獨蕭
蕭大樹風帖帖高城屋悠悠樵嵐水照我如前淥心長
髮苦短遇遲時已速行逢舊識人掩面不敢目下士或
相笑大雅更誰屬卻登詩話樓太息忍憂辱逝波有迴
淪平地無峻蜀回舟仍晚發嘯詠舒窮促庶幾千世後
猶追一宵躡

大乾

大乾問古祠其神維歐陽曰隋之季世遠守泉州疆世
亂謝病去道聞隋爲唐慷慨自投淵日月皆悲涼逆流

思伯子堂詩集

卷十三

三

五十里及此墳而燕父老感義烈享祀歲有常淒風動
萬木野水流湯湯山精倚樹嘯夜火寒陰廊再拜向神
前卜琰祈妖祥艱難我匪怨願壽母與兄因爲我僕卜
念彼去母旁擾擾百年身何時熟黃梁庶竭余智慮敢
負神聰明羈愁返不寐臥聽宵鐘長

光澤

季冬之二日我至光澤城遂造官氏宅夕感黃何情黃
壇明經宗杏何煥奎比部聞我僕在孤舟坐待過黎明
余至皆枉顧於寅齋先生宅日中箱篋至寓我齋三楹鑄冶廬是日席山來亦荷先施
誠四日謁故舊五日杯觴盈六日醉未歇意爲何郎傾

七日飲縣齋酒美難爲名自我去福州此樂一再并是

夜僕隕地損腕全其肱我客本鬱鬱爲汝還怍怍宛宛

年家子次蚤強我行遇酒輒復醉午醒夕更醒林君敦

厚質地望師儒清此別見何時隔歲期燕京

初入飲寅谷同年宅

其夜復醉林君卿教諭同年署歸來如昨夜成鼓催寒更九日更十日

累舉街西觥城東亦有約痛飲論平生十一曉作書與

僕謀歸程寄書與何人李氏好弟兄西堂復雪樵雨農

兼荀卿尙有數知己舉筆書未成雨農兩弟姪草廬行

廚精短僮屢催促入座寒風鳴扶歸醉且倦僕瘦依燈

檠亦復與話別憐彼涕泗橫涕泗亦何爲今年歲在庚

但記辛壬間我友同北征慘澹月將落啾唧聞雞聲我
睡汝宜休離合緣本輕可憐十二日蚤起溫鑪鑪爲我
理詩卷爲我泊冠纓拜臨出門去送之目瞪瞠是日天
多風四望孤屏營何郎苦留我眾賓皆時英慷慨對作
詩字如蛇蚓縈醉就高樓宿臥聽喧颺颺客至不復起
病骨難支撐枕上愴萬事心搖如懸旌聚者旣必散困
者知必亨凡此羈旅迹記之同嘲評自非賦三都何畏
譏荒儉

僕洪士同隨余一年謹慎無過於其歸以詩送之
本非蕭穎士愧爾解憐才將母難同去思余可再來片

帆楚江水匹馬薊門臺從此天涯客無人勸醉回
送我杭川住翻憐汝病歸清寒同惜別涕淚莫霑衣孤
館看殘臘當年怨落暉寄書曾未到惆悵雁仍飛

煥奎比部招同厚庵仙洲兩孝廉席山秀才近仁
同年集鑄治廬比部以宣州紙索書走筆爲別

十載飄零陳子公要從屠狗話英雄匈奴今日方多事
誰是雲臺第一功

歲晚休歌行路難薊門不隔五雲端尊前卽是中山酒
痛飲都忘冰雪寒

三處園林我借居他年誰記乃吾廬天邊一笑烏君在

蒼翠依然畫不如余客此屢矣昔皆居雨農舍人繡草廬去年始居煥奎別業今年乃居寅齋先生別業余舊賦光澤絕句中云繡草廬連鑄冶廬門生都解愛詩書入門獨許狂夫笑拍手烏君畫不如對客揮毫秦少游卽今誰似此風流故人何七門金今黃土門巷重來落葉秋厚莽舉首句爲戲因是成之君金門兄也

君家兄弟不可當

何氏光澤望族厚莽仙洲金門煥奎皆兄弟行皆以才名一時

留我

朝朝費舉觴何必望門思北海只憐張儉鬢蒼浪

年來才盡似文通醉後悲歌意氣雄匹馬何時踏關塞

天山萬丈夢刀弓

林鷄卿同年

調梅

厚庵仙洲煥奎如登集寅齋先

生宅送余北行口號爲別

遲暮何堪更遠行故人相對感平生比紅幸免羅虬詠

夢白深嗟杜甫情

有誤傳余醉後擊死某妓已入獄者

陵夢李白詩

世以爲自坐永

兩歲杯觴留十日

去年入

王事下獄時作故聊以相喻

三山書札到孤城

是日雨

至九月初二至十三日北行

書至屬寅齋先頻來話別今顚顚流寓難同宦蹟名卿

生爲余治資斧

水口

屬光

時爲光澤教諭余昔嘗詣雨農諸君子云君志流寓他日必有我相與爲笑本日與諸君亦戲及之

去縣四十里蒼蒼山谷陰炊煙引寒樾返照動棲禽靜

覺道途獨貧知故舊深欲歸那可得寓目一沾襟

杉關

閩關首仙霞閒道此其最西出通章江方言分裏外爲

江西福建分界處行旅謂由關之光澤者曰進裏由關之新城者曰出外自昔喪亂季屢遭

兵火害承平烽堠息往來集販僧亦聞盜賊多父老嗟
何賴我來閱十度積感誰能會石路徑高低草木瘦不
大居人極蕭條煙火望塵壙天寒一鳥飛山崦雲如蓋

壽昌寺

我行滯石峽遣興問僧房野水流何意寒山曉自蒼經
樓繁蝙蝠塔院散牛羊寂寞悲衰謝空知古道場

野泊

石峽放船晚前行十里昏問沽餘野店閉夜少蓬門月

色平當枕溪聲遠過村母煩虞暴客深感太平恩

南城下長塘對月

余今年夏秋月望在福州見月常蚤十一月月
望舟行及延平界稍覺其出之遲昨夕月望在
新城界則其遲如福州之十六夜今十六夜在
南城界又遲如福州之十七夜矣余去福州自
二三故人外本無所眷戀露坐待月忽復增感
口號四十字

客行忽永久兩見月華圓悵望遲遲出深悲處處遷冰
霜寒旅夢江海送流年何日泉山側還看到眼先

是夜始聞雷聲口號

悵望乾坤一酒杯
江天風雨夜聞雷
憑誰更話曹劉事
未有英雄眼底來

金谿舟中絕句

開過梅花見李花
東風殘臘徧天涯
問君惆悵緣何事
如此春光莫憶家

何處人家白粉牆
前頭烏柏兩三行
棲鴉一點斜陽裏
過盡青山暝色涼

寒雨

寒雨臨川兩暮朝
故園回望日迢遙
不知春色來何處

明日二十二
又立春矣
倍悵年光賸此宵
曠野生風雲慘慘孤城
閉夜水蕭蕭
未陽酒脯何勞
迓飄泊無因答

聖朝

雞鳴如晦感夫君
欲寄江離祇自芬
別後經時懷落月
夢中昨夜散朝雲
淒涼鄴郡愁霖賦
迢遞秦川織錦文
歲晚不堪俱闕絕
暮天零霰正紛紛

二十二日立春作

一歲今逢兩度春
天涯猶是未歸身
但看雪意當空滿
不見花枝到眼新
風急烏鳶朝墮地
江寒魚鼈晝窺人
家山回首孤征遠
時序驚心悵望頻

乞兒

乞兒聲何哀
哀哀凍潦中
苦求鄰舟兒
一語不與通
我持十餘錢
待汝不我從
舟人謂乞兒
是兒食當窮
我獨置錢嘆
嘆息知遭逢
相需不相遇
往往歧西東
慘慘暮天低
曠野號長風
風寒雨更急
乞兒聲未終
感此傷人
心人心固不同

二十六日李家渡守凍作

去冬越海觴歌集

去歲今日
客福州

今日章江雨霰過
壯士豈

餘閒歲月少年已慣惡
風波雲邊驛路孤
亭小鳥外寒光獨
樹多蕭瑟逼除身健在
蒼茫極望意如何

煙火村墟晝夜微渡頭不見片帆飛繫舟天地真如寄
欲雪山川尙未歸舊事故人迎驛騎新詩蠻女繡弓衣
荊州學記何勞述歲晚孤蓬幸可依

二十七日雪

天暗北風鳴蕭蕭雁有聲孤舟寒夜水大雪滿江城野
曠荒煙合村遙獨樹明只疑滄海月流照遠人行

二十九日對雪

昨日雪稍霽終宵風更寒清輝映江水悵望極雲端野
色兼天淨鄉心逼歲殘劇憐烏鵲噪未有一枝安

除夕

在南昌郭外四十里地名新積泊舟

百年歲月知何似只似眼中東去水試從雪際望青山
但見雁鴉下蘆葦天邊猶有片帆行太息吾舟同迅駛
江岸時聞響爆竹兒童稍見嬉村尾根觸何當別母兄
清寒未免憶妻子怱怱屈指十載過六度羈旅四鄉里
羈孤奔走豈有爲鄉里困頓復無以憂來摩撫腰下劍
仰視暮雲氣蒼紫壯心欲返白日逝高歌不覺朔風起
篙師繫纜鉦鼓作鄉人相聚喧滿耳蕭然罷飲獨祭詩
殘杯試送五窮鬼

思伯子堂詩集卷十四

建甯張際亮亨甫

江西 辛卯

江西水土疏君子洵清直小人何迫隘殊稟同地力縱
橫錯千里戰守患四偏形勢不足據膏腴未可食民繁
多貿遷野曠少蕃植稍持閩粵吭但傳吳楚翼自從漢
晉來未聞僭王國在昔明世季父老苦流賊至今二百
年幸不知兵革近傳贛吉閒聚落有姦忒大吏宜驅除
當事毋容默峨峨匡廬青浩浩彭蠡黑山川積神秀文
章大南北安石氣高峻山谷意深刻頗爲土風徵何止

賦才特吁嗟陶陽曠代豈一得前哲競飛騰後進能
欽式交游半九州此邦多名德鄉邑旣相鄰言語亦互
識卜居意慨然望氣坐嘆息蒼茫杞人憂蕭瑟番君域
緬維風雨屋何當漁父憶

正月三日饒河口對雪

天際數帆微蒼茫風雪飛春雲寒遠色流水帶清輝歲
月紛非故江湖久未歸不堪對沙雁向晚去猶稀

都昌舟中

滄波無際自東流悵望誰知感倦游彭蠡風寒征雁斷
匡廬天遠暮雲浮春能幾日仍連雪水似當年復去舟

青鬢朱顏蕭瑟盡茫茫莫照此江頭

吳城望湖亭

入春四日吳城泊放眼高亭望渺然百里湖光飛雁地
萬檣風色落霞天空思滄海花爭發更渡長江月正圓
浪跡乾坤吾不恨扁舟到處識山川

是夜大風枕上口號

雜沓蛟鼉跋浪開蕭騷鴻雁叫雲迴大聲轉地如潮湧
寒氣沈天併雪來獨悵羈孤爲旅夜直思颯爽出羣材
關西不少吹笳卒帳下應憐戍火哀

初六日再登望湖亭

匡廬秀出彩雲間，絕頂煙蘿未一攀。
天際陰晴殘雪映，湖邊蒼翠獨鴉還。
入春尚惜流民滿，去秋九江南康諸郡水潦流民徧吳
城至於南昌撫州眺遠誰知倦客閒。
重到孤亭風色好，明朝須醉落星灣。

過鄱陽湖望廬山

香鑪瀑布三千丈，左蠡樓船五百年。
戰伐英雄今已矣，飄零騷客故依然。
春風積水紛吹雪，落日孤帆欲到天。
招手匡君原識我，片雲相送暮鷗邊。

夢游大孤山絕句

浮玉中泠在眼前，一痕螺髻映青天。
夢中得此二句夢中長揖

龍神起親見雙螭柱下眠

次日游山中得詩二首

夢裏螭龍宛可呼，真登絕頂眺重湖。
但看章貢浮天遠，不覺金焦出地孤。
半塔山光明斷雁，亂帆風色繞飛烏。
蒼茫百感方交集，猶喜煙波似畫圖。

道人爲我話匡君，卻望香鑪積雪紛。
湖上春來生碧樹，江東日落見孤雲。
獨登絕閣家千里，相送平沙月二分。
今夜鐘聲應不忘，扁舟回首翠氤氲。

過湖口縣口號

孤舟如葉趁天風，湖口東南積水通。
煙帆兩孤明月外，

雪山九道大江中漫同商婦愁司馬正愴流民聽澤鴻
楚尾吳頭憑極望碧波日夜總怱怱

初九日泊彭澤次日阻雨有作

江漢西來積水長布帆葉葉下斜陽青山影盡天初暝
白雁聲多夜正涼寒火依人憐獨客驚湍滿地總他鄉
朝來臥聽蕭騷雨苦憶陶家漉酒香

雨雪春光十日過江天悵望意如何風迴彭澤濛濛晦
水暗孤山渺渺波仙鯉不來鄉信遠栖鳥自語晚檣多
終朝未見明霞影誰話當筵定子歌

是夜卽事口號

江上青山雪未消
繫舟空怨水迢迢
石城兒女無愁思
夜半臨風倚洞簫

夜過小孤山

一片青天月隨人
向小姑不知明鏡裏
可有佩環無江
水
真衣帶風帆接夜烏
彭郎磯不見回首翠微孤

十一夜發舟彭澤次蚤遂至安慶阻雨舟不得前

次日走筆東劉大庾香

斯恆

時隨侍郡署

二百里風舟一葉
宵來連雨更淹留
不知官閣瀟瀟裏
何似巴山剪燭秋

十四日庾香以肴酒追送至五里廟塘並惠佳什

走筆次韻奉酬

四海論交徧如君，信異才悲歌燕市日。惜別魯連臺秋

水看雲過春帆待月來，三年懷抱意感激一時開。

戊子與君

試京兆俱落解君旋隨侍尊甫東昌郡署中
亡丑秋余舟過東昌不及相見賦絕句奉懷

南北頻隨宦，賢勞奉二親。相期不朽業，同是少年人。燈
夕移舟晚，江花應酒春。深慚費徒御，奔走雨如塵。

登皖城大觀亭

大江東去無重險，半面孤城控數州。淮潁天光低斷雁，

楚吳風色落輕鷗。誰從清水塘邊冢，爲憶梅花嶺下邱。

荻港潯陽俱在望，蒼茫黃左恨同流。

明季史公可法巡撫廬鳳屢檄黃得

功左良玉兵破張獻忠於桐城六安開今去皖城十五
里猶有土堡額云崇禎某年史某建其守城捍賊之忠
與余公關前後一轍皖人所宜世祀也○黃戰死我澄
世閔其忠左卒於潯陽不無遺議然左材固可用志亦
無他專罪馬阮
始爲定論耳

奉懷朱丹木履大令

不見朱丹木三年意若何獨看黃海月清到績溪多循
吏足千載故人難一過江城對劉向爲我惜蹉跎

十五夜口號

去歲看花醉海濱今宵花下獨逡巡江城易暗空元夕
春月難圓似故人牛渚去帆應暫待龍眠晴雪約相親
燈前酒半蒙頭睡莫憶平生總愴神

過大龍山下口號

大龍山色如佳士磊砢中含蘊藉情欲寄新詩何處好
夕陽殘雪數閒明

馬元伯

瑞辰

水部枉贈佳什並出示近稿賦此奉

酬

燕市悲歌共惠連

謂賢從小眉通守

蚤聞康樂最才賢春宵乍

對浮山月詩思真驚下水船

聖主恩深生入塞故人情重死分泉赤心不忘安邊祝

君去年漫興詩云身甘守黑心長赤鬢已逢秋氣
自春又云腐儒羞作天山夢惟祝安邊仗老臣爲汝

江湖懷有年

水部次前詩韻枉示復次韻答之

江東王謝好嫻連

石甫明府與水部家世親

羯末封胡況總賢我自

一身稀十族春來北馬復南船不妨相遇邀風笛曾唱
新聲傍水泉誰使高才思下澤眼看親故話中年

東朱歌堂

雅

先生卽索近作

姚侯自昔品詩嚴爲我頻年說孝廉故里近師劉學博

海峯先生

和歌長憶鮑宮詹

覺生先生

歲華自駛才難老風雨相

看客偶淹聞有龍眠藏稿在不應旦晚闕牙籤

朱歌堂學博有詩枉贈賦此奉酬卽題其集後

後先七子彫零久今代何人繼昔賢獨比韓陵留片石

思伯子堂詩集

卷十四

六

宛從滄海刺歸船三邊冰雪秋橫野五嶺珊瑚夜照天
誰識悲歌來往日江鄉對我髮蕭然

東江龍門

開秀才

南北風塵已倦游每從醉後看吳鉤壯猶未老思來日
病豈因貧任敝裘富貴爭如槐國夢瘡痍猶抱杞人憂
共君斫地哀歌意不爲生封萬戶侯

西極諸洋逗海南澳門樓閣太耽耽大宛寶馬知誰貢
合浦明珠久自貪五嶺山川原帶礪百年歲月但歌酣

趙佗臺畔秋風客此日夷情爲我譚

君去歲游
粵東始歸

看竹何須問主人主人意氣況相親倒衣更約重游好

冀庶同歌五噫頻鴉掠山明斜日路蝶移花動隔園春

浙東未遠書難到我客江東亦損神

君本籍廬江僑居城外劉氏萊園其

園前則方氏北園二園皆多竹北園主人竹吾先生前年在園相識今方客南波君導余游園中遂登城後山望龍眠

諸勝

兩夕尊前慰寂寥君歸轉憶去塗遙亭中醉尉妨呵騎
竹裏家僮待過橋夜水風斜燈影暗春城月暗角聲驕
他年車笠毋相忘記取流連痛飲宵

次韻元伯水部二十一日讌游江氏池亭二首

負郭野塘幽風鷗引客游春寒疎雨到山遠片雲留廬

喜江淹寄詩慚馬戴酬相看吳季子

岳青徵君

華鬢未驚秋

萬樹黃榆落蕭蕭絕塞關貂肥盤地滿鷹小臂人閒異俗尊前話

殊恩域外還西湖只如此吾愛不咸山

水部時將游越中

二十七日石甫明府令壻張德生

匪秀才招同岳

青徵君蓉江明府元伯水部朱魯岑

道文秀才左

穗六

星叢

上舍龍門秀才游龍眠山留宿雙溪草

堂

東風昨夜雪欲消山中積素寒猶驕澗迴谷轉杳無路溪壑暗響時蕭蕭百年松老自歲月數家日午紛漁樵安知人跡不到處尙有紅萼垂凍條春光如此爲誰媚

荒榛怪石同昏朝歸牛乍鳴西崦夕幽禽對語沙水遙

固應退傅昔獨往父老共負田閒瓢

張文端公歸老於此垂十年

一

杯豈異十載樂身世萬事供談嘲朝暉在窗我在榻去
夢那得追來宵茲游我自偶然耳諸公何處還相招林
泉隨地倏過眼鬢絲笑雜雲煙飄且尋孫李棲隱迹瀑
泉礪玉崖嶢嶢

雙溪草堂

張文端公兆域在焉今諸松合抱皆當日手植也

千嶂台雲陰蕭蕭風水深賜塋環石馬列檻面沙禽春
暖猶冰雪山虛自古今墓門撫松柏因見歲寒心

礪玉峽

人閒最奇瀑我識大龍湫不信龍眠峽泉源可泝游白雲自太古青壁有滄洲風壑蕭寥外誰知雁宕秋

椒園

明孫司馬晉國變後隱處

落日滿山谷寒風疏竹蒼茅茨翁子姓圖畫亦滄桑裔

出示老去丹難就春來玄嘗翻憐好兄弟埋骨自楓

香孫節隱隨司馬弟也與楊龍友同死於仙霞嶺後其子求得父骨與龍友之骨莫辨遂合葬邑之楓香嶺

忠墓

寒知閣

左忠毅公讀書處在龍眠谷口

九死難嘗百慘威先朝涼德孝陵遺可憐一疏移宮日

已是孤臣斃獄時牛斗古星餘白氣公生時有白氣貫斗間遇難日亦然

六裔孫穗云龍眠列閣俯蒼瀛唐亡漢覆還明社黨錮清流
共此悲

二月初四再集龍門萊園風雨留宿

倦客無端桐子國諸公不厭酒人狂醉思躍馬夜橫槊
閒到觀魚風滿塘紅白梅花溼飛雨青蒼雲氣擁虛廊
漫游五度兩留宿初一夜亦宿此爲有江爲開草堂

將由汴入都元伯水部次對雪詩韻贈行再次韻

奉酬

別愁底事似絲紛未對離觴意已醺春水此行勞憶我
天涯何處再逢君吹臺風色仍斜照浮渡山光自斷雲

孤客可堪更南望塞鴻北鄉尙呼羣

吳曉峯

湛恩

少府帆海圖

有客年來厭九州苦思故國近瀛洲夢中翡翠何人拾
網外珊瑚久自秋尙聽河聲過上谷難看海市帆東甌
使君亦憶滄溟好咫尺魚龍百變收

次韻左穗六贈別

薊北江東萬里情寸心如月向誰明他時定憶龍眠路
流水空山雪後行

望春

桐城以木筆爲春

未放已先殘風雨雙淒燕子單二月梨

花落如雪故園別後付誰看

河源西極古雄邊疏勒方投萬馬鞭十載罪言誰更問
風塵顛顛杜樊川

石甫明府出示方植之

東樹

先生詩因題

李杜不作韓蘇死歌行作者世餘幾紛紛侈口學四公
誰得其皮沉骨理春風吹雲在天際變滅萬態誰能擬
塵埃不見飛空仙兒曹狡獪詫山鬼吾聞積理復養氣
意極深遠毋浮鄙要從沈鬱得飛動豈貴蹶張與剽詭
二百年來古調稀何意方侯乃有此方侯學本惜抱翁
箸書百卷析經史餘事作詩遂絕倫託興妙合風正旨
同時亦有劉明東其才自奇氣已駛我非違服苦軒輊

黃則吳蘭難與茲並視前年出都得單老是其歌行最

可喜可憐老死世莫知今念方侯淚如洗此行於山失

浮渡於人復不遇夫子青衫白髮老將至頗識苦貧慣

遷徙卷中詩在幸自娛世上浮名看流水單可惠字芥舟山東高密

人著有白羊山人詩稿其七古最工然世無知之者年

六十餘以諸生終於家余於章邱李月汀比鄰處見其

為李題便面詩嘆為大家李因覓得其刻本與余今往

來皆攜諸篋中當俟他日專梓其七古行之○余與先

生未識面聞余將至生待二日以事往安慶

聞欲於彼處覓余不知余已就道來桐城也

雨過雙忠庵

雙忠墓雙忠庵楊龍友孫克咸楊侯昔本馬阮客且如

孫郎事聲色仙霞一死到今哀四山風雨淒寒食信知

人生晚節難當時何止錢虞山五王此日無坏土秦淮
月暗鬼夜語馬嬌葛嫩奈何許

十九日再同德生入龍眠山小憩賜金園

名山如故人小別屢和憶入谷猶泉聲隔溪自松色百
年老山茶太傳所手植如何尋斧斤臨去三嘆息

二十三日再集龍門萊園

東風又見落花飛滄海春深竟未歸醉後低徊看短劍
客中寒暖換征衣少年河朔吾何慕耆舊襄陽昔未稀
臨去那能無悵望清明儺鼓送斜暉

二十四日自桐城北行光子明

聰誠

秀才招集魯

岑穗六龍門餞之城東古寺中植之先生德生先
後至

平生蹤跡總由天去住於茲亦偶然惜別轉思重見日
送行已是倦游年青衫短鬢殘花下白社斜陽過鳥邊
還向城東留一宿和歌載酒主能賢

舒城別石甫明府

冉冉塵埃共歲華蕭蕭徒御各天涯流鶯南浦初楊柳
細雨東風又杏花慣別不知顏鬢減惜春惟覺酒懷加
卽看子敬同高誼轉惜周郎未有家

上巳日六安放舟作

南方春早北方遲漸近中原氣候宜柳色一灣風暖後
桃花三月燕來時人同逸少非無感地奉答繇尙有祠
懷古難尋觴詠樂芳辰坐惜片帆馳

潁州郭外卽事

啾啾啞啞鳥鳥嘯疏疏密密楊柳低牧童臨水飲黃犢
水東人語呼水西數家土屋磔煙火桃花雨溼風淒迷
殘紅新綠正滿地白髮老翁行杖藜

舟中漫寫三首

春晚仍爲客村荒漫盪舟風微林鵲語日暖水蟲游興
自閒中永心從物外幽因知漁父意垂釣亦無求

白鳥飛何往滄波去自閒看雲欹水枕數樹過沙灣靜
覺春耕樂貧知旅食艱縱無田二頃谷口早須還
新晴宜晚色野泊望悠然客路孤村月人家隔水煙疏
華明廢圃細麥藹春田極目皆生意安知地屢遷

紀夢

息息爲別見何期夢裏依然映玉姿卻解腰魚更沽酒
楊州三月落花時

柳花

丙戌三月過周家埠口賦此題四首
今復過此再寫四首亦非有爲也

六年重見銷魂樹依舊飛迴絮舞頻幾處藏鴉猶似夢
一時過馬已成塵長途漠漠春無主小院深深畫有人

唬殺流鶯渾不管飄零經歲獨何因

無端自舞鬪婢娟有恨誰知付渺綿殢汝一風兼一雨
奈何如雪復如煙春殘欲減腰圍日人去因思手種年
撲面可憐愁思在武昌歌罷散離筵

似解登臨欲送歸故將一點上征衣阿誰陳迹非流水
如此晴絲更落暉池館憶時痕宛在樓臺過處影都稀
君看滿目榆錢裏高下紛紛久共飛

倦游是處駐征驂惜別攀條怨總諳中酒心情如灞上
落花時節又江南人同眠起拋難斷天與纏綿折不堪
報到短長亭子外朝來飛徧綠毵毵

三月十四夜扶溝舟中口號

浪跡無嗟泛梗同河南夜色勝江東數家斷岸梨花月
百轉孤舟柳影風林際鳥巢懸可數沙邊蟲語靜相通
終宵破盡還鄉夢只在平橋淺水中

去年此日竹崎關白浪嵯峨似雪山過雨月來開一鏡
阻風夜語擁雙鬟低徊燭影江聲上錯雜杯光劍氣閒
何處吾行非夢幻中原搔首鬢毛斑

北風

十七日

往歲丙戌與伯兄同北上三月在朱仙鎮大風
晝晦一日夜始復今辛卯三月過此風復如之

而伯兄沒五年矣追憶前事愴然涕下先是其
年二月與兄在蘄州舟中亦遇大風釐第二首
及之

慘澹驚沙晦蒼茫曠野陰長河奔怒馬大樹落棲禽占
月憐宵暈看雲愴旅心蕭蕭雙鬢在獨任北風侵
遙憐江漢水不似汝同流獨泊梁園夜深悲楚澤舟驚
湍仍病骨孤殞自荒邱溼盡征衣淚舒州更此州

十九日馬小肩通守招游吹臺歸飲齋中同集者

劉子敬

師陸

庶常姚春木

椿

上舍

佳游昔是鄉枚地弔古曾聞李杜來慷慨故人還好客

飄零短褐敢論才平蕪何處真梁苑殘照依然滿吹臺
歸騎更逢天下士留歌莫放掌中杯

渡淇水

嗟我離慈母經年復遠行誰憐淇水渡獨愴國風情地
鹵多成磧天低不見城釣竿歸去好愧此出山清

湯陰謁岳武穆祠堂

鄂王故里草蕭蕭祠祭諸孫幾代遙百戰威名金易破
千年讒口鐵難銷恨餘南渡黃龍飲魂傍西湖白馬潮
此地宋家陵闕近翠華風雨不堪招

鄴中

銅雀千年地東風野火新可憐漳水月曾照鄴宮春詞
賦彫零共雄豪割據頻異時高與石舞殿亦成塵

夜渡漳水

劉郎昔竄跡慷慨賦新詩碧水流無盡涼風夢覺時時
艱稱痼疾身賤託文辭千載漳濱月應知我所悲

望太行

太行蒼翠鬱嵯峨萬丈摩天鳥不過北折邊雲盤紫塞
西來秋色滿黃河中原隘道爭驅險三晉雄州割據多
我自騎驢閒悵望不知王屋復如何

邯鄲行

邯鄲自昔盛歌舞我來邯鄲奈何許去年地震連磁州
十家冷落餘三五翠袖飄零挾瑟倡紅顏顚顚當壚女
磁州之災尤可憐一城傾塌無完軀邯鄲父老亦歎息
歎息邯鄲城獨堅請君且安坐聽我畢一辭野人九十
八生在雍正時其時十斛米不值千銅錢有肉價如菜
有布價如棉年年雨雪足處處大麥熟家家白髮翁衣
帛更食肉北風一何涼吹我曠野屋竈下雙黃雞哺子
相嬉逐雞鳴客叩門中路許借宿黃犬臥搖尾客至亦
如此不信年來盜賊多夜夜犬聲驚不止我聞鄰里言
其時多好官官好民自富官好地自安東流之水不向

西黯吏之心山不移少年走馬邯鄲道但道邯鄲好女
兒東風三月天不暖鴻雁紛紛何處飛父老泣下寒且
飢

沙河縣南有驛曰河梁淒然成詠

嗟我十年九作客北羈燕薊南江淮河梁自昔悲游子
游子何時不可哀但見斜陽在楊柳蕭蕭不盡長風埃
老鴉飛翻大麥綠牛馬趁水童騎回今夜未知宿何處
昨夜夢到故園來門前絳桃花一樹是我兒時親自栽
樹高過我我不還夢裏飛紅吹滿階千春浩浩惜離別
萬事擾擾勞安排我送行人人送我到處踟躕攜手偕

青天白日有弦望仰視浮雲因愴懷

內邱道中作

不斷飛鴉外孤城又夕陽若爲春欲盡時見草初芳風色沙中滿鄉心酒後長卻看諸父老閒坐話耕桑

真定

積氣滿恆代天盤戰壘雄萬山趨塞北千里控河東斷簇埋春草驚沙捲野風滹沱帶城下飲馬走兒童

四月二日至保定遇禮門明府

莫折垂楊柳那知長恨端春殘悲久客民困累徵官鉅鹿風沙大飛鳥夕照寒尊前憶嬌女一爲涕洟瀾

涿州

借問南來客何人是故鄉
可憐九州轍落日各茫茫
芳草亦渺渺因悲大道旁
還隨北向雁到處覓空倉

初入都門宿海秋儀部寓廬有詩枉贈次韻奉酬
別來弔古越王臺海上風波祇自哀
豈有神龍藏寶劍更無屠狗共尊罍
高城畫角吹星動深院疎簾捲月開
青眼悲歌堪一醉乾坤萬事幾低徊

十六日廉峰太史招游釣魚臺口號

一水金元後依然帝子游
誰憐王處士垂老負沙鷗
朔野陰宜夏渾河氣易秋
村童窺翠輦此日雪盈頭

二十二日汪孟慈農部偕泛通惠河

一碧菰蘆合涼生落照天盪衣初傍水趁酒屢移船地
仰儲胥亟官資轉漕賢東南數千里愁到暝雲邊

二十五日笙陔侍讀招集尺五莊

同集者宗室履亭

三年小別鳳城西落盡楊花賸故蹊恰逐王孫驄馬過
慣留倦客乳鶯曉菱荷水上紅情小蘆葦風中翠羽低
何減江南行樂地板橋斜日帶青溪

廿四夜夢與乾生登樓見千峯碧映滉朗如水余
歎曰此全收山中積秀矣因口占五句而覺續成
一律將寄乾生焉

峭壁斷煙飛迢迢接晚暉空青如合帳山翠欲涼衣迢
礪泉聲大登樓樂事稀舊游原好夢夢覺未應非

寄懷仰山先生

時任馬
蘭鎮

少宰勤勞萬里知重煩虎節領熊羆張姚論付何人直
韓范才原大將宜北口高風迴鼓角西山落日照旌旗
不妨橫槊從容地緩帶投壺且賦詩

其二

黃河飲馬水東流遠憶孤雲碧海秋雨雪中原勞說項
風波南紀愧依劉蒼茫天地猶知己迢遞關山已倦游
帳下儻容隨突騎卽從射虎看吳鉤

思伯子堂詩集卷十四

六

入都浹旬故人多以詩相示各綴一絕

桂海仙雲上錦袍歸來得句冠詞曹黃岡當日無詩筆

一代科名讓獨豪

蔣笙咳侍讀

司寇風流復愛才重開益社向金臺人閒不少霓裳奏

獨夢釣天廣樂回

徐廉峰太史

三年離別最相思信有千秋世豈知羽可東松俱老大

飄零見我好論詩

黃植齋太史

海內奇才湯海秋興酣落筆洞庭流離騷獨抱靈均怨

薄宦兼工子美愁

湯海秋樞部

一代風騷鄭繼之辛勤忠愛杜陵遺考功才筆今應繼

容我差同太白奇

鄭雲麓考功

登之意氣出羣雄詩思年來熟比工不與時流競雕飾

孤行要有古人風

陳登之通守

新詩寄我海雲邊共許千秋況少年頭白陸郎讓才思

有人衣冷欲裝棉

潘紱庭明經君近次陸祁孫楊花韻有木七字

返照

五月十一時京師祈雨不應遣大臣祀密雲白龍潭

聖主憂勤望雨勞白龍猶蟄遠潭牢午隨飄灑驚風急

卻入蒼涼返照高人事天時爭剝復河壖淮浸自波濤

去冬今春積雨河淮交漲葛衣五月差宜暑向晚看雲首重搔

見月

雨過斜陽足晚晴蒼蒼天色合重城百年身世餘高望
萬里關河惜倦征求仕空勞疏骨肉濟時敢厭話勳名
龔黃丙魏羣公事羈旅愁心見月明

題黃素堂明經詩後

明經名雲江西宜黃人黃樹齋太史童時師也
老而不遇梓其詩一帙寄太史旣出以示余且
屬爲題詞余不能無感漫識數語報太史質諸
明經

彭澤騷懷有正聲滄翁健筆亦縱橫年來漸變藏園派
眼底曾吳自盛名

青山秀影落明湖佳句天然畫不如敢比定文丁敬禮

要援風雅恕狂疏雜興云開門見青山青山影落明湖往遙空飛鳥望中沒夕陽西下漁歌出原中開多

一韻結多一韻余爲刪去點湯六字似更佳也

南村八十尙傳經少日論詩眼獨青一見那知成永別

春風莫上子雲亭余年十二至十四皆受業於何臥雲弟子余潤園教諭故嘗學經國論詩宗旨以訓余又以

詩答余云風雅欲內蘊氣象抱中和余至今愧未能逮也去年將往福州謁先生所居大南村始覺先生老矣

先生老而不遇與明經同余受業之年與太史同故不

此

師門風義近如何俗薄如雲變態多好待勳名繼房杜

元經莫憾老汾河

喜石甫明府得子

五月廿五夜作

我年三十三有子已十四貧家雖廢學頗復識文字姚
侯天下士不爲一身計盛年早釋褐壯年乃作吏窮荒
絕島間森然靈怪備侯來綏靖之鱗介不敢肆黎老歌
父母兒童習孝弟而侯竭精神房帷無寵嬖憶昨賦北
征哦詩聊見志閨中婦自賢乙酉明府將北上有慶姬
詩蓋卻家人勸納姬而作
奔走一官滯今年四十九得三室家慰而我託交故狂
喜發深喟侯昔宰劇邑外威內慈惠世人或責讓往往
及遭際升沈何足論有後驗天意當世圖治急寬猛昧
交濟盜賊閔東南怯懦刑賞敝貪鄙苦里巷淫侈戀琳

第歛歔想諫諍慷慨惜蒙蔽姚侯位雖卑

天子知不次再出感

殊恩報政當尤異侯子與吾子論交應世世勉爲賢父
兄飄零獨滋愧

潘四農枉贈佳什賦此奉酬

飄零來往淮陰路望氣心知有異人怪爾生平足懷抱
因何倦旅厭風塵誰能薦士昌黎後苦憶憐才漂母真
荒盡良田未歸得相逢倚劒一沾巾

百年騷雅正淩夷及子相看恨已遲來者未知何日再
古人可作不吾欺青山風雨飯牛夢滄海煙霞放鶴期

猶共悲歌向燕市蕭蕭坐惜鬢俱絲

絨庭明經室汪佩之女史爲余扇頭作梅花因題
太湖三萬六千頃七十二峰相映空寫到銅坑照香雪
故山詩夢月明中

俞松石

樹風

禮部蕉窗聽雨圖

君家五峰下煙雨五峰深一片薊門月清光非故林不
知紅蝙蝠幾度綠天陰夢到瀟瀟夜青山識此心

寄少穆方伯河南

昨宵匹馬渡黃河相思深於萬頃波未敢杯盤貪醉舞
喜聞里巷足謳歌羣工中外紛謀國邊事西南未止戈

時將軍方在同疆而
廣督方在瓊討黎匪
年少飄零一書劍望公霖雨徧滂
沱

黃鶴樓頭秋月清
春風吹度汴梁城
屏藩吳楚周南服
管領關河漢兩京
小吏皆知畏黃霸

先皇久欲用端明
夜瞻北斗遙回首
想見馳驅報國情
十剎海酒樓同石甫
明府觀荷花

積水藹朝暉
叢荷露未晞
一蟬移柳響
雙鷺出花飛
歲月愁中過
朋游物外稀
夜來風色滿
搖落楚臣衣

海秋過寓廬

淡旬不見覺
永久入夢相思
那已猜讒口
多應流俗慣

卷十四
三
盛名吾恐後人哀孫劉何與三公事李杜須爲一代才
騎馬便歸看明月聽雞罷舞發新醅

喜侯明經

登岸至

前年還寄新詩卷書到君邊十月交南北看雲各滄海
後先貰酒復燕郊夕陽在樹生蟬韻老屋欹風向烏巢
便與狂歌同擊劍未須不食歎懸匏